



**S**Corio, qui & Schirius dicitur, post Berobistam Germanorum dux extitit, eo tempore cū Octavius Romanum Imperium gubernādum suscepisset. Erat ille animi & corporis fortitudine insignis. Itaq; cum Romani ciuilia bella exercerent, ipsos inuadere statuit. Is duos canes in conspectu populorum commisit, atq; ijs acerrimè inter se pugnantibus lupum ostendit, quem protinus canes omīssa intra se rixa aggressi sunt. Ita ille uerbis & exemplo monere uoluit, Romam maturè perituram suis uiribus, si hoste careat externo. Vnde in Traciam & pōtum cum suis profectus, Romanas prouincias latè uastauit, & (ut Horatius ait) penè occupatam seditionibus deleuit urbem Dacus. Vnde Octavius cum Cotifone & Marobudo regibus Germaniæ foedus iniit, atq; hac ratione eorum opera usus, alios ad tempus compescuit. Auent.lib.1.